



Broj: 01-30-3697-2/21  
Zenica, 19.03.2021. godine

**SKUPŠTINA  
ZENIČKO - DOBOJSKOG KANTONA  
n/r predsjedavajućeg**

**PREDMET: Prijedlog Odluke o razrješenju ministra Ministarstva za poljoprivredu, šumarstvo i vodoprivredu Zeničko-dobojskog kantona - dostavlja se**

Na osnovu člana 33., a u vezi sa članom 152. stav 1. i 2. Poslovnika Skupštine Zeničko-dobojskog kantona - Treći Prečišćeni tekst («Službene novine Zeničko-dobojskog kantona», broj: 14/18, 18/18-isp., 7/19 i 7/20), u prilogu ovog dopisa, dostavljamo Vam **Prijedlog Odluke o razrješenju ministra Ministarstva za poljoprivredu, šumarstvo i vodoprivredu Zeničko-dobojskog kantona**, koju je na svojoj 28. sjednici održanoj dana 19.03.2021. godine utvrdila Komisija za izbor i imenovanja, radi razmatranja iste na narednoj sjednici Skupštine Zeničko-dobojskog kantona.

S poštovanjem,

**PRILOZI:**


- *Prijedlog Odluke o razrješenju ministra Ministarstva za poljoprivredu, šumarstvo i vodoprivredu Zeničko-dobojskog kantona*
- *Popunjen obrazac Izjave o fiskalnoj procjeni (Obrazac IFP NE)*
- *Akt Mirnesa Bašića, ministra Ministarstva za poljoprivredu, šumarstvo i vodoprivredu, od 18.03.2021. godine, kojim je Skupštini Zeničko-dobojskog kantona podnio ostavku na mjesto ministra navedenog kantonalnog ministarstva*

**DOSTAVLJENO:**

Naslovu,  
 U spis predmeta 28. sjednice Komisije/04-03

**PREDSJEDAVAJUĆI**

*Čazim Huskić*



## PRIJEDLOG

Na osnovu člana 48a. Ustava Zeničko-dobojskog kantona - dopunjen Amandmanom XXXV i člana 185. Poslovnika Skupštine Zeničko-dobojskog kantona-Treći prečišćeni tekst («Službene novine Zeničko-dobojskog kantona», broj: 14/18, 18/18 isp., 7/19 i 7/20), Skupština Zeničko-dobojskog kantona na \_\_sjednici održanoj dana \_\_\_\_\_ 2021. godine, d o n o s i:

### ODLUKU

**o razrješenju ministra Ministarstva za poljoprivredu, šumarstvo i vodoprivredu  
Zeničko-dobojskog kantona**

#### Član 1.

**(Razrješavanje dužnosti ministra)**

**Mirnes Bašić**, razrješava se dužnosti ministra Ministarstva za poljoprivredu, šumarstvo i vodoprivredu Zeničko-dobojskog kantona, sa danom **28.03.2021. godine**, zbog podnošenja ostavke.

#### Član 2.

**(Stupanje na snagu Odluke i objavljivanje)**

Odluka stupa na snagu danom donošenja i objavit će se u „Službenim novinama Zeničko-dobojskog kantona“.

Broj: 01-\_\_\_\_\_/21  
Datum, \_\_\_\_\_ 2021. godine  
Z e n i c a

**PREDSJEDAVALAČI**

*Čazim Huskić*

## OBRAZLOŽENJE

### I – PRAVNI OSNOV

Ustavni osnov za donošenje Odluke sadržan je u članu 48a. Ustava Zeničko-dobojskog kantona - dopunjen Amandmanom XXXV kojim je, između ostalog, utvrđeno da ministar može podnijeti ostavku Skupštini Kantona, a ostaje na dužnosti do dana donošenja odluke o razrješenju.

Pored toga, postupak ostavke je regulisan i članom 185. Poslovnika Skupštine Zeničko-dobojskog kantona - Treći prečišćeni tekst («Službene novine Zeničko-dobojskog kantona», broj: 14/18, 18/18 isp., 7/19 i 7/20), koji propisuje:

*„Kada lice koga bira ili imenuje Skupštine podnese ostavku, predsjedavajući o tome obavještava Komisiju za izbor i imenovanja, koja o tome izrađuje pismeno mišljenje.*

*Ostavka se zajedno sa mišljenjem dostavlja svim poslanicima.*

*Nakon razmatranja ostavke, Skupština će odlučiti da li će je uvažiti ili ne.*

*Ukoliko je uvaži, Skupština razrješava lice koje je izabrala, odnosno imenovala, odnosno potvrdila izbor i imenovanje...“*

### II – RAZLOZI ZA DONOŠENJE

Razlozi za donošenje Odluke su sadržani u aktu Mirnesa Bašića, ministra Ministarstva za poljoprivredu, šumarstvo i vodoprivredu, od 18.03.2021. godine, kojim je Skupštini Zeničko-dobojskog kantona podnio ostavku na mjesto ministra navedenog kantonalnog ministarstva, iz razloga što je imenovan za kandidata za premijera Zeničko-dobojskog kantona.

Komisija za izbor i imenovanja je na 28. sjednici održanoj dana 19.03.2021. razmatrala podnesenu ostavku i o istoj je dala svoje pismeno mišljenje. Mišljenje Komisije je da je ostavka opravdana i osnovana, te predlaže Skupštini Kantona da istu prihvati i da donese Odluku o razrješenju ministra Mirnesa Bašića sa dužnosti ministra Ministarstva za poljoprivredu, šumarstvo i vodoprivredu Zeničko-dobojskog kantona sa danom 28.03.2021. godine, imajući u vidu da će imenovani dana 29.03.2021. godine, preuzeti dužnost premijera Zeničko-dobojskog kantona, nakon što Skupština Kantona na svojoj 32. sjednici koja će se održati dana 29.03.2021. godine donese Odluku o izmjenama Odluke o potvrđivanju Vlade Zeničko-dobojskog kantona.

### III - OBRAZLOŽENJE PREDLOŽENIH RJEŠENJA

**Član 1.** Odluke propisuje da se Mirnes Bašić razrješava dužnosti ministra Ministarstva za poljoprivredu, šumarstvo i vodoprivredu Zeničko-dobojskog kantona, sa danom **28.03.2021. godine**, zbog podnošenja ostavke. Isti se razrješava sa navedene dužnosti sa danom 28.03.2021. godine, imajući u vidu da će imenovani dana 29.03.2021. godine, preuzeti dužnost premijera Zeničko-dobojskog kantona, nakon što Skupština Kantona navedenog dana na svojoj 32. sjednici, donese Odluku o izmjenama Odluke o potvrđivanju Vlade Zeničko-dobojskog kantona. Razrješavanje sa dužnosti sa navedenim danom vrši se i zbog praktičnih razloga odnosno odjave imenovanog sa PIO i zdravstvenog osiguranja kod nadležnog organa, sa pozicije ministra navedenog kantonalnog ministarstva i njegove prijave na PIO i zdravstveno osiguranje na poziciji premijera Zeničko-dobojskog kantona, što se ne može izvršiti istog dana.

**Član 2.** propisuje stupanje na snagu Odluke i njeno objavljivanje u «Službenim novinama Zeničko-dobojskog kantona».

### IV - FINANSIJSKA SREDSTVA

Za provođenje ove Odluke nisu potrebna dodatna finansijska sredstva u Budžetu Kantona, osim ranije planiranih sredstava.


**KOMISIJA ZA IZBOR I IMENOVANJA**

## OBRAZAC IZJAVA O FISKALNOJ PROCJENI

**Obrazac IFP NE**

|  |        |          |                   |                       |
|--|--------|----------|-------------------|-----------------------|
| <b>A 1. Obradivač propisa</b>  |        | KOD      | NAZIV             |                       |
|  |        | 10010001 | SKUPŠTINA KANTONA |                       |
| <b>B 2. Osnovni podaci o prijedlogu propisa</b>                                  |        |          |                   |                       |
| Vrsta propisa/akta   | Zakon  | NE       | Odluka            | Strategija            |
|  | Uredba | NE       | Drugi akti        | Drugi akti planiranja |
| NE   |        |          |                   |                       |
| <b>Naziv propisa/akta</b>  |        |          |                   |                       |
|  |        |          |                   |                       |
| <b>C 3. Izjava o nepostojanju dodatnih fiskalnih efekata predloženog propisa</b> |        |          |                   |                       |

Donošenje Odluke o razrješenju ministra Ministarstva za poljoprivredu, šumarstvo i vodoprivredu Zeničko-dobojskog kantona neće imati fiskalne posljedice na Budžet za 2021. godinu u smislu obezbjeđivanja dodatnih budžetskih sredstava.

|  |                                 |
|--|---------------------------------|
| <b>D 4. Pečat i potpis odgovornog lica obrađivača, odnosno predlagača propisa</b>    | <b>Mjesto i datum</b>           |
|  | Zenica, dana 19.03.2021. godine |

**Mirnes Bašić**  
Ul. Patriotske lige, br. 9, Kakanj

04/10 03/21 12

| SKUPŠTINA ZENIČKO-DOBOJSKOG KANTONA |      |             |            |
|-------------------------------------|------|-------------|------------|
| Priljeno:                           |      | 18.03.2021. |            |
| Org. jed.                           | Broj | Prilog      | Vrijednost |
| 01-30-3508                          |      |             | 1/21       |

**SKUPŠTINA ZENIČKO-DOBOJSKOG KANTONA**  
n/r predsjedavajući

**PREDMET:** Ostavka na poziciju ministra u Vladi Zeničko-dobojskog kantona, dostavlja se

Poštovani,


Odlukom Skupštine Zeničko-dobojskog kantona o potvrđivanju Vlade Zeničko-dobojskog kantona, broj 01-05-4991/19 od 27.03.2019.godine, imenovan sam za ministra Ministarstva za poljoprivredu, šumarstvo i vodoprivredu.

Shodno navedenom, podnosim neopozivu ostavku na mjesto ministra za poljoprivredu, šumarstvo i vodoprivredu Zeničko-dobojskog kantona iz razloga što sam kandidat za premijera zeničko-dobojskog kantona.

S poštovanjem,

Ostavku podnio

Mirnes Bašić



U Zenici, 18. 03. 2021. godine